

佛說四未曾有法經

西晉三藏竺法護

若

聞如是一時婆伽婆在舍衛城祇樹給孤獨園。今時世尊告諸比丘。轉輪聖王有此四未曾有法。云何為四。於轉輪聖王。為人民類皆悉愛念。未曾傷害。譬如父子。轉輪聖王亦復如是。愛敬人民。未曾有瞋怒向之。譬如父有一子。是謂轉輪聖王。初未曾有法。或復轉輪聖王。遊人民間。見皆歡喜。如子親父。是謂轉輪聖王。二未曾有法。復次轉輪聖王。住不遊行時。人民類其有觀者。皆得歡喜。彼轉輪聖王與人民說法。其有聞者。皆悉歡喜。時人民聞轉輪聖王說法。無有厭足。是謂轉輪聖王。三未曾有法。復次轉輪聖王。坐不遊行時。人民類其有觀者。皆悉歡喜。彼轉輪聖王教勅人民。此事可為此。不可為此。可親此。不可親若。為此事者。長夜獲福。無窮極。若為此事。長夜受苦。亦無休息。彼人民類聞轉輪聖王如此教勅。喜無厭足。

是謂轉輪聖王。有此未曾有法。如是阿難。比丘亦有四未曾有法。云何為四。於是阿難。比丘若至比丘眾中。諸比丘見。皆悉歡喜。彼阿難。比丘為說法。其聞法者。皆悉歡喜。諸比丘聞阿難所說。無厭足。是謂阿難。比丘第一未曾有法。若阿難。比丘默然至比丘居眾中。其有見者。皆悉歡喜。彼阿難。比丘為說法。其聞法者。皆得歡喜。時比丘居眾聞阿難說法。不知厭足。是謂阿難。比丘第二未曾有法。若復阿難默然至優婆塞處。時優婆塞見。皆歡喜。彼阿難。比丘為說法。時優婆塞眾聞阿難所說。無有厭足。是謂阿難。比丘第三未曾有法。復次阿難。比丘默然至優婆夷眾中。彼眾見者。皆悉歡喜。彼阿難。比丘為說法。優婆夷聞者。無有厭足。是謂阿難。比丘四未曾有法。今時諸比丘聞佛所說。歡喜奉行。

佛說四未曾有經

四未曾有經第三張 若

右一經經名。譯主諸藏。皆同。而國宋兩本文義。全同。始終唯說造塔功德。未雖結名。未曾有法。然一經始末。無四字之義。此丹本經。說轉輪聖王。有四未曾有法。以喻阿難。亦有四未曾有法。按開元錄。若函中有四未曾有。經云。與增一阿含八難品。同本異譯。今檢之。丹本即是也。其國宋本。經即前毀。函中未曾有。經後漢失譯人名。出古舊錄者耳。意者宋藏於此。若函中失真。四未曾有。經而得毀。函中未曾有。經。以為名。脫四字。遂加四字。重編於此。錯也。噫。此錯之失。凡有四焉。失真。四未曾有。經一也。未曾有。經一本。重載二也。又彼失譯。而為法護譯三也。彼是大乘。而抑之編此。小乘藏中。四也。故去宋經。而取丹本。後賢欲知。今所去。經是何等者。請見毀函。未曾有。經。即是耳。

癸卯歲高麗國大藏都監奉勅雕造

四未曾有經第三張 若

佛說四未曾有法經

校勘記

- 一 底本，麗藏本。
- 一 三一七頁上二行譯者，**資**、**磧**、**晉**、**南**、**徑**、**清**作「西晉三藏法師竺法護譯」。
- 一 三一七頁上九行「一子」，**石**作「一人」。
- 一 三一七頁上一〇行第一一字「問」，**石**作「聞」。
- 一 三一七頁中五行「聞法」，**徑**作「問法」。
- 一 三一七頁中一二行第八字「處」，**資**、**磧**、**晉**、**南**、**徑**、**清**作「衆」。
- 一 三一七頁中一九行「所說」，**資**、**磧**、**晉**、**南**、**徑**、**清**作「說」。
- 一 三一七頁中末行經名，**石**作「佛說四未曾有法經一卷」；**資**、**磧**、**晉**、**南**、**徑**、**清**作「佛說四未曾有法經」。
- 一 三一七頁下一行至一九行卷末附記「右一經……即是耳」，諸本無。